

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-01-246/21**
Mostar, 10.12.2021. godine

IZVOD IZ ZAPISNIKA
sa desete (X) vanredne sjednice Skupštine
Hercegovačko-neretvanskog kantona

Sjednica je održana dana 10.12.2021. godine u sali Centra za kulturu u Mostaru sa početkom rada u 13:00 sati

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Marija Bešker, Slavko Bilić, Marija Bošković, Stana Burić, Damir Džeba, Elvedin Grcić, Dejan Kvesić, Julineta Jurić, Tomislav Martinović, Ivan Odak, Andrea Pehar, Milica Pehar, Amir Šelo, Šerif Špago, Minela Krpo, Iva Raguž, Vesna Saradžić, Selma Drljević, Đuro Prkačin, Edis Džino, Slaven Raguž, Irma Memidžan, Vera Konjevod, Ismet Lulić, Mejrima Hasić i Alisa Hajdarović.

Odsutni: Zora Dujmović, Ajdin Teletović, Nermin Vrtić i Aner Žuljević

Konstatovano je da je na sjednici prisutno **26** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Šerif Špago je u ime Kolegija kao predlagача dnevnog reda, obavijestio zastupnike da se tačka 5. Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja HNK-a za 2021. godinu povlači iz dnevnog reda.

Otvorena je rasprava po prijedlogu dnevnoga reda.

U raspravi su učestvovali: Ismet Lulić i Ivan Odak.

Zastupnici Ismet Lulić i Ivan Odak predložili su da se povuku slijedeće tačke dnevnog reda:

1. Prijedlog Izmjena i dopuna Budžeta HNK za 2021. godinu,
2. Nacrt Budžeta HNK za 2022. godinu,
3. Nacrt Zakona o izvršenju Budžeta za 2022. godinu.

Obavljeno je glasanje po prijedlozima dopune dnevnog reda.

Nakon glasanja konstatovano je da uz 5 glasova „Za“, prijedlog o skidanju tačke 1, 3 i 4 sa dnevnog reda nije dobio potrebnu većinu.

Obavljeno je glasanje da se tačka 2. Prijedlog Zakona o izmjeni Zakona o zaštiti porodice s djecom utvrđuje po skraćenom postupku.

Nakon glasanja jednoglasno je prihvaćeno da se Prijedlog Zakona o izmjeni Zakona o zaštiti porodice s djecom utvrđuje po skraćenom postupku.

Obavljeno je glasanje po Prijedlogu dnevnog reda desete (X) vanredne sjednice Skupštine HNK.

Većinom glasova „Za“, uz 5 glasova „Protiv“ usvojen je dnevni red desete (X) vanredne sjednice Skupštine.

Usvojeni Dnevni red:

1. Prijedlog Izmjena i dopuna Budžeta HNK za 2021. godinu;
2. Prijedlog Zakona o izmjeni Zakona o zaštiti porodice s djecom (skraćeni postupak);
3. Nacrt Budžeta HNK za 2022. godinu;
4. Nacrt Zakona o izvršenju Budžeta HNK za 2022. godinu;
5. a) Prijedlog Odluke o davanju saglasnosti na Finansijski plan Službe za zapošljavanje HNK za 2022. godinu;
b) Prijedlog Odluke o davanju saglasnosti na Odluku o izvršenju Finansijskog plana Službe za zapošljavanje HNK za 2022. godinu.

AD 1. Prijedlog Izmjena i dopuna Budžeta HNK za 2021. godinu

Obrazloženje su dali predsjednik Vlade HNK Nevenko Herceg i Adnan Faladžić ministar finansija u Vladi HNK.

Andrea Pehar predsjednica Komisije za budžet, finansije i ekonomsku politiku je iznjela stav Komisije, gdje su većinom glasova doneseni sljedeći zaključci:

Prijedlogu izmjena i dopuna Budžeta HNK-a za 2021. godinu komisija daje pozitivno mišljenje. Ovaj prijedlog kao takav može ići u daljnju proceduru, te komisija poziva zastupnike da ga podrže.

Otvorena je rasprava o navedenoj tački dnevnog reda.

U raspravi su učestvovali: Edis Džino, Adnan Faladžić i Šerif Špago.

Obavljeno je glasanje po Prijedlogu Izmjena i dopuna Budžeta HNK za 2021. godinu.

Većinom glasova „Za“, uz 6 glasova „Protiv“ usvojen je Prijedlog Izmjena i dopuna Budžeta HNK za 2021. godinu.

AD 2. Prijedlog Zakona o izmjeni Zakona o zaštiti porodice s djecom (skraćeni postupak)

Obrazloženje je dao Goran Opsenica, ministar zdravstva, rada i socijalne zaštite HNK.

Otvorena je rasprava.

U raspravi nije nitko učestvovao.

Obavljeno je glasanje.

Nakon glasanja konstatovano je da je Prijedlog Zakona o izmjeni Zakona o zaštiti porodice s djecom (skraćeni postupak) jednoglasno usvojen.

AD 3. Nacrt Budžeta HNK za 2022. godinu

Obrazloženje je dao Adnan Faladžić, ministar finansija u Vladi HNK.

Ispred Komisije za budžet, finansije i ekonomsku politiku Andrea Pehar je iznjela slijedeći Zaključak:

Smatramo da je Nacrt budžeta HNŽ-a za 2022. godinu dobra osnova za izradu Prijedloga budžeta, te ga kao takvog podržavamo.

Usklađenost prihodovne i rashodovne strane u iznosu od 253.830.600 KM ukazuje na oporavak privrede i na normalizaciju života.

Komisija radi očuvanja stabilnosti proračuna predlaže daljnju racionalizaciju troškova svim resornim ministrima kao i predsjedniku Vlade kako bi uštedom osigurali sredstva potrebna za razvoj i poboljšanje stanja života u županiji. Ovaj Nacrt budžeta za 2022. godinu prati zahtjeve korisnika i kao takav održiv je, socijalan, ali i razvojan i temeljem toga može ići u daljnju proceduru. Komisija poziva zastupnike da ga podrže.

Otvorena je rasprava.

U raspravi su učestvovali: Slaven Raguž, Amir Šelo, Alisa Hajdarović, Slavko Bilić, Damir Džeba, Šerif Špago, Julineta Jurić, Milica Pehar, Marija Bešker, Minela Krpo, Elvedin Grcić, Ivan Odak, Tomislav Martinović, ministar Goran Opsenica, ministar Slađan Bevanda, Stana Burić, ministar Adnan Faladžić i premijer Nevenko Herceg.

Predsjedavajući Skupštine HNK Šerif Špago predložio je slijedeći Zaključak:

1) Prihvata se Nacrt Budžeta Hercegovačko-neretvanskog kantona za 2022. godinu kao dobra osnova za izradu Prijedloga Budžeta;

2) Primjedbe, prijedlozi i mišljenja poslanika iznesenih na Nacrt Budžeta dostavit će se Vladi Hercegovačko-neretvanskog kantona na razmatranje;

3) Zaključak stupa na snagu danom donošenja, a objavit će se u Službenim novinama Hercegovačko-neretvanskog kantona.

Obavljeno je glasanje o navedenom Zaključku.

Nakon glasanja konstatovano je da je Nacrt Budžeta HNK za 2022. godinu jednoglasno prihvaćen.

AD 4. Nacrt Zakona o izvršenju Budžeta HNK za 2022. godinu

Obrazloženje je dao Adnan Faladžić, ministar finansija u Vladi HNK.

Otvorena je rasprava.

U raspravi nije nitko učestvovao.

Predsjedavajući Skupštine HNK Šerif Špago predložio je slijedeći Zaključak:

1) Prihvata se Nacrt Zakona o izvršenju Budžeta HNK za 2022. godinu kao dobra osnova za izradu Prijedloga Zakona o izvršenju Budžeta;

2) Primjedbe, prijedlozi i mišljenja poslanika iznesenih na Nacrt Zakona o izvršenju Budžeta dostavit će se Vladi HNK na razmatranje;

3) Zaključak stupa na snagu danom donošenja, a objavit će se u Službenim novinama HNK.

Obavljeno je glasanje o navedenom Zaključku.

Nakon glasanja konstatovano je da je Nacrt Zakona o izvršenju Budžeta HNK za 2022. godinu jednoglasno prihvaćen.

AD5. a) Prijedlog Odluke o davanju saglasnosti na Finansijski plan Službe za zapošljavanje HNK za 2022. godinu;

b) Prijedlog Odluke o davanju saglasnosti na Odluku o izvršenju Finansijskog plana Službe za zapošljavanje HNK za 2022. godinu;

Obrazloženje je dala Gordana Nikolić, voditelj sektora za materijalno-finansijske poslove Službe za zapošljavanje HNK.

Ispred Komisije za budžet, finansije i ekonomsku politiku Andrea Pehar je iznjela slijedeće mišljenje:

Prijedlogu Finansijskog plana Službe za zapošljavanje HNK za 2022. godinu komisija daje pozitivno mišljenje.

Prihodovna i rashodovna strana Finansijskog plana su uravnotežene, povećanje u odnosu na plan iz 2021. godine je 6,60%, što pozdravljamo.

Planom su obuhvaćeni svi materijalni i nematerijalni troškovi te aktivna politika zapošljavanja i naknade za nezaposlene.

Pozivamo zastupnike da podrže ovaj dokument.

Otvorena je rasprava.

U raspravi nije nitko učestvovao.

Obavljeno je glasanje o Prijedlogu Odluke o davanju saglasnosti na Finansijski plan Službe za zapošljavanje HNK za 2022. godinu.

Nakon glasanja konstatovano je da je Prijedlog Odluke o davanju saglasnosti na Finansijski plan Službe za zapošljavanje HNK za 2022. godinu jednoglasno usvojen.

Obavljeno je glasanje o Prijedlogu Odluke o davanju saglasnosti na Odluku o izvršenju Finansijskog plana Službe za zapošljavanje HNK za 2022. godinu.

Nakon glasanja konstatovano je da je Prijedlog Odluke o davanju saglasnosti na Odluku o izvršenju Finansijskog plana Službe za zapošljavanje HNK za 2022. godinu jednoglasno usvojen.

Sjednica je završena u 17:00 sati.

Zapisničar
Dario Topić

Predsjedavajući
Šerif Špago